

Poesie di Angelo Conti Rossini

Padron de la strada

l'eva el trentun de genèè
al spiciavom come l'oracol,
el material l'eva pront.

I do val, quela del Monto
e quela da Pont ieva nett,
nett come dopo una buzza.

Toll e tolit, toc de ramera,
canon de la stuva vecc, rugin,
tutt rubesc che fava rumor.

L'eva li tutt in un mucc,
davanti ala stala de la Lola,
l'ultim caval di Omarit.

El Walter, l'Ivo, l'Aldo,
el Cuna, el Cente, l'Adriano,
el Cesario e tanti d'älg.

I geva squasi tücc,
a cominciavom a ligaa insema
con cord e fil de fer.

Cordina de freno de biciclett,
una volta a ghevom fin una roda
de quii de bicicleta, con el fiss.

O l'eva butada via el Pep Branca,
giù al baracon dei trasporti,
el Bandel o m'eva dai un parafango,

adess es diseres che l'eva "d'epoca",
anca luu, là insema ai toll
de la mostarda del Marcionni,

i toll del petroli di Astolfi,
i scatol del ton de la Cooperativa
e del Palmieri, i toll dell'oli di Brizi.

Tücc i boteg, a favom pasaa,
fin i toll di ughett del paneton,
quii do Ceser, el nos pa.

El zio Giovan om iutava
a ligaa insema tutt e dopo viaa,
da Gerusalem a la Barbisina.

Giù pei stress, sul simiteri,
su per el Carnée in Piazza d'Arm
fin al Campo Sant, e a la fabrica.

I gognitt i picava col baston,
i fava rumor a la so manera
qui grand i tirava la procession.

Una volta è gheva un toc de toribol,
p m'leva dai l'Illo, l'eva rott,
ma intant che al tocavom, a disevom
i pàter
adasi, a ghevom paura da naa a l'infern.

I machin is fermava
is tirava da un cò
In lasava pasaa, i ghignava.

En gheva pochi, . . . quela
del scior Emilio, del Bai,
del scior Cadenazz, del scior Brizi
e del zio Pepo.

In lasava la strada tuta a num
perché a bandivum el genee!

El Zelindo, davanti con la cioca,
la cioca de la vaca do zio Cec.

El dì dopo, el Ciocio o el
Madeo i doveva scovaa su, el paes
più i noss rest, toll e tolit.

Dent per la c areta de legn
tutt quel ch'a ghevom perdù.

Intant che andavom a scola,
loo, paveresc, i scramentava
senza fass too via....

Angelo Conti Rossini